

樂府詩集

冊十

樂府詩集卷第七十二

太原

郭茂倩

編次

雜曲歌辭

古離別

王適

昔歲驚楊柳高樓悲獨守今年芳樹枝孤棲怨別離珠簾晝不卷羅
幔曉長垂苦調琴先覺愁容鏡獨知頻來雁度無消息罷去鴛文何
用織夜還羅帳空有情春著裙腰自無力青軒桃李落紛紛紫庭蘭
蕙日氛氲已能顚頽今如此更復含情一待君

同前

常理

君御狐白裘妾居緋綺幬粟鉢金夾膝花錯玉搔頭離別生庭草征
行斷戍樓蟾蜍網清曙菡萏落紅秋小膽空房怯長眉滿鏡愁爲傳
兒女意不用遠封侯

同前

姚係

涼風已嫋嫋露重木蘭枝獨上高樓望行人遠不知輕寒入洞戶明
月滿秋池燕去鴻方至年年是別離

同前二首

趙微明

離別無遠近事歡情亦悲不聞車輪聲後會將何時去日忘寄書來
日乖前期縱知明當還一夕千萬思

違別未幾日一日如三秋猶疑望可見日日上高樓唯見分手處白
蘋滿芳洲寸心寧死別不忍生離愁

同前二首

孟郊

松山雲繚繞萍路水分離雲去有歸日水分無合時春芳役雙眼春
色柔四支楊柳織別愁千條萬條絲

山川古今路縱橫無斷絕來往天地間人皆有離別行衣未束帶中
腸已先結不用看鏡中自知生白髮欲陳去留意聲向言前咽愁結
填心胸茫茫若爲說荒郊煙莽蒼曠野風淒切處處得相隨人那不

如月

同前

西江上風動麻姑嫁時浪西山爲水水爲塵不是人間離別人

同前

僧貫休

離恨如旨酒古今飲皆醉只恐長江水盡是兒女淚伊余非此輩送人空把臂他日再相逢清風動天地

同前

韋莊

晴煙漠漠柳毵毵不那離情酒半酣更把馬鞭雲外指斷腸春色在江南

生別離

梁簡文帝

離別四弦聲相思雙笛引一去十三年復無好音信

同前

孟雲卿

結髮生別離相思復相保何知日已久五變庭中草眇眇天海途悠

悠吳江島但恐不出門出門無遠道遠道行旣難家貧衣服單嚴風
吹積雪晨起鼻何酸人生各有戀志
一作豈不懷所安分明天上日生
死誓同歡

同前

白居易

食蘖不易食梅難蘖能苦兮梅能酸未如生別之爲難苦在心兮酸
在肝晨雞載鳴殘月沒征馬重一作連嘶行人出迴看骨肉哭一聲梅
酸蘖苦甘如蜜黃河水白黃雲秋行人河邊相對愁天寒野曠何處
宿棠梨葉戰風颼颼生離別生離別憂從中來無斷絕憂積一作極心
勞血氣衰未年三十生白髮

長別離

吳邁遠

生離不可聞况復長相思如何與君別當我少年時蕙華每搖蕩妾
心長空一作自持榮乏草木憊悴極霜露悲富貴貌一作難變貧賤顏
易衰持此斷君腸君亦宜自疑淮陰有逸將折羽不曾飛楚有扛鼎

士出門不得歸正爲隆準公仗劍入紫微君才定何如白日下爭暉

遠別離

李白

遠別離古有黃英之二女乃在洞庭之南瀟湘之浦海水直下萬里深誰人不言此離苦日慘慘兮雲冥冥猩猩啼煙兮鬼嘯雨我縱言之將何補皇穹竊恐不照余之忠誠雷馮馮兮欲吼怒堯舜當之亦禪禹君失臣兮龍爲魚權歸臣兮鼠變虎或云堯幽囚舜野死九疑聯綿皆相似重瞳孤墳竟何是帝子泣兮緣雲間隨風波兮去無還慟哭兮遠望見蒼梧之深山蒼梧山崩湘水絕竹上之淚乃可滅

同前

張籍

蓮葉團團杏花折長江鯉魚鱠赤念君少年棄親戚千里萬里獨爲客誰言遠別心不易天星墜地能爲石幾時斷得城南陌勿使居人有行役

同前二首

令狐楚

楊柳黃金穗梧桐碧玉枝春來消息斷早晚是歸時

玳織鴛鴦履金裝翡翠篋畏人相問著不擬到城南

久別離

李白

別來幾春未還家玉窗五見櫻桃花况有錦字書開緘使人嗟至此
腸斷彼心絕雲鬟綠鬢罷攬流一作結愁如迴飈亂白雪去年寄書報
陽臺今年寄書重相催胡爲東風爲我吹行雲使西來待來竟不來
落花寂寂委青苔

新別離

戴叔倫

手把杏花枝未曾經別離黃昏掩闌後寂寞自心知

今別離

崔國輔

送別未能旋相望連水口船行欲映舟幾度急搖手

暗別離

劉氏瑤

槐花結子桐葉焦單飛越鳥啼青霄翠軒輾雲輕遙遙燕脂淚迸紅

線條瑤草歇芳心耿耿玉珮無聲畫屏冷朱弦暗斷不見人風動花
枝月中影青鸞脈脈西飛去海闊天高不知處

潛別離

白居易

不得哭潛別離不得語暗相思兩心之外無人知深籠夜鎖獨棲鳥
利劍春斷連理枝河水雖濁有清日烏頭雖黑有白時唯有潛離與
暗別彼此甘心無後期

別離曲

張籍

行人結束出門去馬啼幾時踏門路憶昔君初納絲時不言身屬邊
陽戍早知今日當別離成君家計良爲誰男兒生身自有役那得誤
我少年時不如逐君征戰死誰能獨老空閨裏

同前

陸龜蒙

丈夫非無淚不灑離別間仗劍對樽酒恥爲游子顏蠻蛇一蟄手壯
士疾解腕所思在功名離別何足歎

西洲曲

古辭

憶梅下西洲折梅寄江北單衫杏子紅雙鬢鷓離色西洲在何處
兩漿橋頭渡日暮伯勞飛風吹烏臼樹樹下郎門前門中露翠鉏
郎不至出門採紅蓮採蓮南塘秋蓮花過人頭低頭弄蓮子蓮子青
如水置蓮懷袖中蓮心徹底紅憶郎郎不至仰首望飛鴻鴻飛滿西
洲望郎上青樓樓高望不見盡日欄干頭欄干十二曲垂手明如玉
卷簾天自高海水搖空綠海水夢悠悠君愁我亦愁南風知我意吹
夢到西洲

同前

一作西州詞

溫庭筠

悠悠復悠悠昨日下西洲西洲一作風色好遙見武昌樓武昌何鬱
鬱儂家定無匹小婦被流黃登樓撫瑤瑟朱弦繁復輕素手直淒清
一彈三四解掩抑似含情南樓登且望西江廣復平艇子搖兩漿催
過石頭城門前烏臼樹慘澹天將曙鷗鷺一作飛復還郎隨早帆去

迴頭語同伴定復負情儂去帆不安幅作抵使西風他日相尋索莫
作西洲客西洲人不歸春草年年碧

荊州樂

宗夬

宣荊州樂蓋出於清商曲江陵樂荊州卽江陵也有紀南
城在江陵縣東梁簡文帝荊州歌云紀城南里望朝雲
雉飛麥熟妾思君是也又有紀南歌亦出於此

迢遞樓雉懸參差臺觀雜城闕自相望雲霞紛颯沓

同前

李 白

白帝城邊足風波瞿塘五月誰敢過荊州麥熟蠶成蛾綠絲憶君頭
緒多撥穀飛鳴奈妾何

同前二首

劉禹錫

渚宮楊柳暗麥城朝雉飛可憐踏青伴乘暖著輕衣
今日好南風商旅相催發沙頭檣竿上始見春江闊

荊州泊

李端

南樓西下時月裏聞來棹桂水舳艤回荊州津濟闊移帷望星漢引
帶思容貌今夜一江人唯應妾身覺

紀南歌

劉禹錫

酈道元水經注曰楚之先僻處荆山後遷紀郢卽紀南
城也十道志曰昭王十年吳通漳水灌紀南城入赤湖
郢城遂破杜預左傳注曰今南郡江陵縣北紀南城故
楚國也

風煙紀南城塵土荆門路天寒多獵騎走上樊姬墓

宜城歌

劉禹錫

通典曰宜城楚之鄖都謂之郢有蠻水又有漢宜城縣
在今縣南舊名率道天寶中改焉十道志曰宜城漢縣
宋孝武大明元年以胡人流寓者立華山郡於大堤村

古名上供梁爲率道俗呼大堤其地出美酒故曰宣城

竹葉酒也

野水遶空城行塵起孤驛花臺側生樹石碣陽鐫額靡靡度行人溫
風吹宿麥

南郡歌

陸厥

江南可採蓮蓮生荷已大旅雁向南飛浮雲復如蓋望美積風露疎
麻成襟帶雙珠感漢皋蛾眉迷下蔡玉齒徒粲然誰與啓含貝

長干曲

古辭

逆浪故相邀菱舟不怕搖妾家楊子住便弄廣陵潮

同前四首

崔子顥

君家定何處妾住在橫塘停舟暫借問或恐是同鄉
家臨九江水去來九江側同是長干人生小不相識
下諸多風浪蓮舟漸覺稀那能不相待獨自逆潮歸

三江潮水急五湖風浪湧由來花性輕莫畏蓮舟重

長干行二首

李白

妾髮初覆額折花門前劇郎騎竹馬來遶牀弄青梅同居長千里兩
小無嫌猜十四爲君婦羞顏尙不未嘗開低頭向暗壁千喚不一迴
十五始展眉願同塵與灰常存抱柱信豈恥上望夫臺十六君遠
行瞿塘灘預堆五月不可觸猿鳴作天上哀門前遲舊作行跡一
一生緣苔作苦深不能掃落葉秋風早八月蝴蝶來雙飛西園草
感此傷妾心坐愁紅顏老早晚下三巴預將書報家相迎不道遠直
至長風沙

憶妾昔作深閨裏煙塵不會識嫁與長干人沙頭候風色五月南風
興思君在下作巴陵八月西風起想君發楊子去來悲如何見少別
離多湘潭幾日到妾夢越風波昨夜狂風度吹折江頭樹森森暗無
邊行人在何處北客真王公朱衣滿江中日暮來投宿數朝不肯東

好乘浮雲馳佳期蘭渚東鴛鴦緣浦上翡翠錦屏中自憐十五餘顏色桃李紅那作商人婦愁水復愁風

同前

張潮

婿貧如珠玉婿富如埃塵貧時不忘舊富貴多寵新妾本富家女與君爲偶匹惠好一何深中門不曾出妾有繡衣裳歲蕤金鏤光念君貧且賤易此從遠方遠方三千里發去悔不已日暮情更來空望去時水孟夏麥始秀江上多南風商賈歸欲盡君今尚巴東巴東有巫山窈窕神女顏常恐遊此山果然不知還

小長干曲

崔國輔

月暗送湖風相尋路不通菱歌唱不輟知在此塘中

樂府詩集卷第七十二

樂府詩集

七十二卷七

中華書局聚

東吳毛晉訂正

男辰再訂

卷之三

周易本義卷之三

樂府詩集卷第七十三

太原

郭茂倩

編次

雜曲歌辭

杞梁妻

吳邁遠

崔豹古今注曰杞梁妻者杞殖妻妹朝日之所作也殖
妻王氏不戰死妻曰上則無父中則無夫下則無子人生之苦至
矣乃抗聲長哭杞都城感之而頽遂投水而死其妹悲
姊之貞乃作歌名曰杞梁妻焉梁殖之字也列女傳曰
齊莊公襲莒殖戰而死其妻無所歸乃就其夫之尸於
城下而哭十日而城爲之崩既葬遂赴淄水而死琴操
同曰杞梁妻嘆齊杞梁殯其妻之所作也

燈竭從初明蘭凋猶早薰扼腕非一代千載炳遺文貞夫淪莒役杜
弔結齊君驚心眩白日長洲崩秋雲精微貫穹旻高城爲墳壙行人

既迷徑飛鳥亦失羣壯哉金石軀出門形影分一隨塵壤消聲譽誰
共論

同前

僧貫休

秦之無道兮四海枯塗長城兮遮北胡築人築土一萬里杞梁貞婦
啼嗚嗚上無父兮中無夫下無子兮孤復孤一號城崩塞色苦再號
杞梁骨出土疲魂飢魄相逐歸陌上少年莫相非

董嬌饒

宋子侯

洛陽城東路桃李生路傍花花自相對葉葉自相當春風東北起花
葉正低昂不知誰家子提籠行採桑纖手折其枝花落何飄颻請謝
彼姝子何爲見損傷高秋八九月白露變爲霜終年會飄墮安得久
馨香春秋時自零落春月復芬芳何時歲年去懽愛永相忘吾欲竟此
曲此曲愁人腸歸來酌美酒挾瑟上高堂